

文選正文

山子點

三

X
36
4

逍遙文庫
文庫6
1045
4



文庫6
1045
4

文選正文卷之三

賦類

登樓賦

王粲

登茲樓以四望兮聊假日以消憂覽斯宇之所處兮實顯敞而寡仇挾清漳之通浦兮倚曲沮之長洲背墳衍之廣陸兮臨阜隰之沃流北彌陶牧西接昭丘華實蔽野黍稷盈疇雖信美而非吾土兮曾何足以少留遭紛濁而遷逝兮漫踰紀以迄今情眷眷而懷歸兮孰憂思之可任憑軒檻以遙望兮向北風而開襟平原遠而極目兮蔽荆山之高岑路逶迤而修迥兮川既漾而濟深悲舊鄉之壅隔兮涕橫墜而弗禁昔尼父之在陳兮有歸歟之歎音鍾儀幽而楚奏兮莊舄顯而

文選正文卷之三

越吟人情同於懷土兮。豈窮達而異心。惟日月之逾邁兮。俟河清其未極。與王道之一平兮。假高衢而騁力。懼匏瓜之徒懸兮。畏井渫之莫食。步棲遲以徙倚兮。白日忽其將匿。風蕭瑟而並興兮。天慘慘而無色。獸狂顧以求羣兮。鳥相鳴而舉翼。原野闐其無人兮。征夫行而未息。心悽愴以感發兮。意怫怛而潛惻。循階除而下降兮。氣交憤於胃臆。夜參半而不寐兮。悵盤桓以反側。

遊天台山賦

并序

孫綽

天台山者。蓋山嶽之神秀也。涉海則有方丈蓬萊。登陸則有四明天台。皆玄聖之所遊化。靈仙之所窟宅。夫其峻極之狀。嘉祥之美。窮山海之環富。盡人神之壯麗矣。所以不列於五

嶽。闕載於常典者。豈不以所立冥奧。其路幽迴。或倒影於重溟。或匿峰於千嶺。始經魑魅之塗。卒踐無人之境。舉世罕能登陟。王者莫由禋祀。故事絕於常篇。名標於奇紀。然圖像之興。豈虛也哉。非夫遺世翫道。絕粒茹芝者。烏能輕舉而宅之。非夫遠寄冥搜。篤信通神者。何肯遙想而存之。余所以馳神運思。晝詠宵興。俛仰之間。若已再升者也。方解纓絡。永託茲嶺。不任吟想之至。聊奮藻以散懷。

太虛遼廓而無闕。運自然之妙。有融而爲川。瀆結而爲山阜。嗟台嶽之所奇。挺實神明之所扶持。蔭牛宿以曜峯。託靈越以正基。結根彌於華岱。直指高於九疑。應配天於唐典。齊峻極於周詩。邈彼絕域。幽邃窈窕。近智者以守見。而不之之者。

以路絕而莫曉。晒夏蟲之疑冰。整輕翮而思矯。理無隱而不彰。啓一奇以示兆。赤城霞起。以建標。瀑布飛流。以界道。覩靈驗而遂徂。忽乎吾之將行。仍羽人於丹丘。尋不死之福庭。苟台嶺之可攀。亦何羨於層城。釋域中之常戀。暢超然之高情。被毛褐之森森。振金策之鈴鈴。披荒榛之蒙龍。陟峭嶠之崢嶸。濟樵溪而直進。落五界而迅征。跨穹隆之懸磴。臨萬丈之絕冥。踐莓苔之滑石。搏壁立之翠屏。攬樛木之長蘿。援葛藟之飛莖。雖一冒於垂堂。乃永存乎長生。必契誠於幽昧。履重險而逾平。既克濟於九折。路威夷而脩通。恣心目之寥朗。任緩步之從容。藉萋萋之織草。蔭落落之長松。覩翔鸞之裔裔。聽鳴鳳之嗶嗶。過靈溪而一濯。疏煩想於心曾。蕩遺塵於旋

流。發五蓋之遊蒙。追羲農之絕軌。躡二老之玄蹤。陟降信宿。迄于仙都。雙闕雲竦。以夾路。瓊臺中天。而懸居。朱閣玲瓏。於林間。玉堂陰映。於高隅。彤雲斐斐。以翼樞。皦日炯晃。於綺疏。八桂森挺。以凌霜。五芝含秀。而晨敷。惠風佇芳。於陽林。醴泉涌溜。於陰渠。建木滅景。於千尋。琪樹璀璨。而垂珠。王喬控鶴。以冲天。應真飛錫。以躡虛。騁神變之揮霍。忽出有而入無。於是遊覽既周。體靜心閒。害馬已去。世事都捐。投刃皆虛。目牛無全疑。思幽巖。朗詠長川。爾乃羲和亭午。遊氣高褰。法鼓琅以振響。衆香馥以揚烟。肆覲天宗。爰集通仙。挹以玄玉之膏。漱以華池之泉。散以象外之說。暢以無生之篇。悟遣有之。不盡覺涉無之。有間泯色空。以合跡。忽卽有而得玄。釋二名之

同出消一無於三幡恣語樂以終日等寂默於不言渾萬象以冥觀兀同體於自然

蕪城賦

鮑昭

瀟湘平原南馳蒼梧漲海北走紫塞鴈門施以漕渠軸以崑岡重江複關之隩四會五達之莊當昔全盛之時車挂轄人駕肩廛閉撲地歌吹沸天孽貨鹽田錐利銅山才力雄富士馬精妍故能侈秦法佚周令劃崇墉剗濬洫圖脩世以休命是以板築雉堞之殷井幹烽櫓之勤格高五嶽袤廣三墳崿若斷岸矗似長雲製磁石以禦衝糊積壤以飛文觀基局之固護將萬祀而一君出入三代五百餘載竟瓜剖而豆分澤葵依井荒葛冒塗壇羅虺蜃階闕磨臚木魅山鬼野鼠城狐

風嗥雨肅昏見晨趨饑鷹厲吻寒鷗嚇雛伏蹏藏虎乳血餐膚崩榛塞路崢嶸古道白楊早落塞草前衰稜稜霜氣款款風威孤蓬自振驚砂坐飛灌莽杳而無際叢薄紛其相依通池既已夷峻隅又以頽直視千里外唯見起黃埃凝思寂聽心傷已摧若夫藻扃黼帳歌堂舞閣之基璇淵碧樹弋林釣渚之館吳蔡齊秦之聲魚龍爵馬之玩皆薰歇燼滅光沈響絕東都妙姬南國麗人蕙心紈質玉貌絳唇莫不埋冤幽石委骨窮塵豈憶同輦之愉樂離宮之苦辛哉天道如何吞恨者多抽琴命操爲蕪城之歌歌曰邊風急兮城上寒井徑滅兮丘隴殘千齡兮萬代共盡兮何言

魯靈光殿賦

并序

王延壽

魯靈光殿者蓋景帝程姬之子恭王餘之所立也初恭王始都下國好治宮室遂因魯僖基兆而營焉遭漢中微盜賊奔突自西京未央建章之殿皆見墮壞而靈光歸然獨存意者豈非神明依憑支持以保漢室者也然其規矩制度上應星宿亦所以永安也予客自南鄙觀藝於魯觀斯而貽曰嗟乎詩人之興感物而作故奚斯頌傳歌其路寢而功績存乎辭德音昭乎聲物以賦顯事以頌宣匪賦匪頌將何述焉遂作

賦曰

粵若稽古帝漢祖宗濬哲欽明殷五代之純熙紹伊唐之炎精荷天衢以元亨廓宇宙而作京敷皇極以創業協神道而太寧於是百姓昭明九族敦序乃命孝孫俾侯于魯錫介珪

以作瑞宅附庸而開宇乃立靈光之秘殿配紫微而爲輔承明堂於少陽昭列顯於奎之分野瞻彼靈光之爲狀也則嗟峨嶷鬼峩巍嶻嶭吁可畏乎其駭人也迢遶倜儻豐麗博敞洞軫軼今其無垠也邈希世而特出羗環譎而鴻紛屹山峙以紆鬱隆崛岉乎青雲鬱坱圠以增屹崩繒綾而龍鱗汨磴禮以璀璨赫燁燁而燭坤狀若積石之鏘鏘又似乎帝室之威神崇墉岡連以嶺屬朱闕巖巖而雙立高門擬于閶闔方二軌而並入於是乎乃歷夫太階以造其堂俯仰顧眄東西周章彤彩之飾徒何爲乎滟滟泫泫流離爛熳皓壁皜耀以月照丹柱欽絕而電燧霞駭雲蔚若陰若陽濯濯燐亂焯焯煌煌隱陰夏以中處肅寥寤以崢嶸鴻燿焜以燻閭庭蕭條

而清泠動滴瀝以成響殷雷應其若驚耳嘈嘈以失聽日曠
曠而喪精駢密石與琅玕齊玉璫與璧英遂排金扉而北入
宵藹藹而晻曖旋室嫵娟以窈窕洞房叫窳而幽邃西廂踞
蹠以閑宴東序重深而奧祕屹睥睨以勿罔肩鷹翳以懿渾
寬悚悚其驚斯心惇惇而發悸於是詳察其棟宇觀其結構
規矩應天上憲荷畷屈危雲起欽峯離樓三間四表八維九
隅萬楹叢倚磊砢相扶浮柱岵嶒以星懸漂嶢峴而枝柱飛
梁偃蹇以虹指揭遽遽而騰湊層櫺礫危以茂棖曲枿要紹
而環勾芝栴攢羅以戢膏枝掌扞拊而斜據傷天矯以橫出
互黝糾而搏負下弗蔚以雜錯上崎嶇而重注捷獵鱗集支
離分赴縱橫駱驛各有所趣爾乃懸棟結阿天窓綺踈圓淵

方井反植荷渠發秀吐榮茵苜披敷綠房紫的宙窳垂珠雲
柰藻悅龍楠彫鏤飛禽走獸因木生姿奔虎攫拏以梁倚仡
奮豐而軒髻虬龍騰驤以蜿螭領若動而夔踞朱鳥舒翼以
峙衡騰蛇蟻蚪而遠棖白鹿牙蛻於樽櫨蟠螭宛轉而承楯
狡兔踈伏於柎側獲狄攀椽而相追玄熊蚺蝮以斷斷却負
戴而蹲踈齊首日以瞪眄徒脈脈而行狝狝胡人遙集於上楹
儼雅跼而相對仡欺猓以鷗眈頰頰而睽睽狀若悲愁於
危處懽頰蹙而含悴神仙岳岳於棟間玉女闕窓而下視忽
矚眇以響像若鬼神之髣髴圖書天地品類羣生雜物奇怪
山神海靈寫載其狀託之丹青千變萬化事各繆形隨色象
類曲得其情上紀開闢遂古之初五龍比翼人皇九頭伏羲

麟身女媧蛇軀鴻荒樸畧厥狀睚眦煥炳可觀黃帝唐虞軒
冕以庸衣裳有殊下及三后淫妃亂主忠臣孝子烈士貞女
賢愚成敗靡不載敘惡以誡世善以示後於是乎連閣承宮
馳道周環陽榭外望高樓飛觀長塗升降軒檻曼延漸臺臨
池層曲九成屹然特立的爾殊形高徑華蓋仰看天庭飛陛
揭孽緣雲上征中坐垂景頽視流星千門相似萬戶如一巖
突洞出逶迤詰屈周行數里仰不見日何宏麗之靡靡咨用
力之妙勤非夫通神之俊才誰能尅成乎此勳據坤靈之寶
勢承蒼昊之純殷包陰陽之變化含元氣之烟燼玄醴騰涌
於陰溝甘露被宇而下臻朱桂黝儵於南北蘭芝婀娜於東
西祥風翕習以颯灑激芳香而常芬神靈扶其棟宇歷千載
而彌堅永安寧以祉福長與大漢而久存實至尊之所御保
延壽而宏子孫苟可貴其若斯孰亦有云而不珍亂曰彤彤
靈宮歸罪穹崇紛厖鴻兮崩劣嶮釐岑崑留疑駢巖從兮連
拳偃寒崙菌踈蹉傍欹傾兮欹欵幽靄雲覆霽霽洞杳冥兮
葱翠紫蔚礧礧瑰瑋含光晷兮窮奇極妙棟宇已來未之有
兮神之營之瑞我漢室永不朽兮

景福殿賦

何晏

大哉惟魏世有哲聖武創元基文集大命皆體天作制順時
立政至于帝皇遂重熙而累盛遠則襲陰陽之自然近則本
人物之至情上則崇稽古之弘道下則闡長世之善經庶事
旣康天秩孔明故載祀一三而國富刑清歲三月東巡狩至

於許昌望祠山川考時度方存問高年率民耕桑越六月既
望林鍾紀律大火昏正桑梓繁蕪大雨時行三事九司宏儒
碩生相與感乎溽暑之伊鬱而慮性命之所平惟岷越之不
靜寤征行之未寧乃昌言曰昔在蕭公暨于孫卿皆先識博
覽明允篤誠莫不以爲不壯不麗不足以一民而重威靈不
飾不美不足以訓後而示厥成故當時享其功利後世賴其
英聲且許昌者乃大運之攸戾圖識之所旌苟德義其如斯
夫何宮室之勿營帝曰俞哉玄輅旣駕輕裘斯御乃命有司
禮儀是具審量日力詳度費務鳩經始之黎民輯農功之暇
豫因東師之獻捷就海孽之賄賂立景福之秘殿備皇居之
制度爾乃豐層覆之耽耽建高基之堂堂羅疏柱之汨越肅

坻鄂之鏘鏘飛欄翼以軒翥反宇轍以高驤流羽毛之葳蕤
垂環珙之琳琅參旗九旒從風飄揚皓皓盱盱丹彩煌煌故
其華表則鎬鎬鏘鏘赫奕章灼若日月之麗天也其奧秘則
翳蔽曖昧髣髴退概若幽星之纏連也旣櫛比而攢集又宏
連以豐敞兼苞博落不常一象遠而望之若摘朱霞而耀天
文迫而察之若仰崇山而戴垂雲嗟瓌璋以壯麗紛彘彘其
難分此其大較也若乃高薨崔嵬飛宇承霓懸蠻黠壽隨雲
融泄鳥企山峙若翔若滯峨峨喋喋罔識所屆雖離朱之至
精猶眩曜而不能昭晰也爾乃開南端之豁達張筍虞之輪
闔華鍾杙其高懸悍獸仡以儼陳體洪剛之猛毅聲訇礮其
若震爰有退狄鏖質輪茵坐高門之側堂堂彰聖主之威神芸

若克庭槐楓被宸綬以萬年綵以紫榛或以嘉名取寵或以
美材見珍結實商秋敷華青春藹藹萋萋馥馥芬芬爾其結
構則脩梁彩制下褰上奇桁梧複疊勢合形離施如宛虹赫
如奔螭南岨陽榮北極幽崖任重道遠厥庸孔多於是列鬆
形之繡栢垂琬琰之文璫蝟若神龍之登降灼若明月之流
光爰有禁楸勒分翼張承以陽馬接以圓方斑間賦白疎密
有章飛柳鳥踊雙轅是荷赴險凌虛獵捷相和皎皎白間離
離列錢晨光內照流景外燧烈若鉤星在漢渙若雲梁承天
駟徙增錯轉縣成郭茄密倒植吐被芙蓉繚以藻井編以綵
疏紅葩鞞鞞丹綺離婁菡萏翫翫緜紛敷繁飾累巧不可
勝書於是蘭栢積重窳數矩設檝櫨各落以相承欒拱天蟠

而交結金楹齊列玉鳥承跋青瑣銀鋪是爲闔闔雙枚旣脩
重桴乃飾椳栝緣邊周流四極侯衛之班藩服之職溫房承
其東序涼室處其西偏開建陽則朱炎豔啓金光則清風臻
故冬不淒寒夏無炎燁鈞調中適可以永年墉垣礪基其光
照照周制白盛今也維縹落帶金釭此焉二等明珠翠羽往
往而在欽先王之允塞悅重華之無爲命其工使作績明五
采之彰施圖象古昔以當箴規椒房之列是準是儀觀虞姬
之容止知治國之佞臣見姜后之解佩寤前世之所遵賢鍾
離之讜言懿楚樊之退身嘉班妾之辭輦偉孟母之擇隣故
將廣智必先多聞多聞多雜多雜眩真不眩焉在在乎擇人
故將立德必先近仁欲此禮之不魯是以盡乎行道之先民

朝觀夕覽何與書紳若乃階除連延蕭蔓雲征櫺檻邳張鉤
錯矩成楯類騰蛇楣似瓊英如螭之蟠如虬之停玄軒交登
光藻昭明騶虞承獻素質仁形彰天瑞之休顯照遠戎之來
庭陰堂承北方軒九戶右个清宴東西其宇連以永寧安昌
臨圃遂及百子後宮攸處處之斯何窈窕淑女思齊徽音聿
求多祐其祐伊何宜爾孫子克明克哲克聰克敏永錫難老
兆民賴止於南則有承光前殿賦政之宮納賢用能詢道求
中疆理宇宙甄陶國風雲行雨施品物咸融其西則有左城
右平講肄之場二六對陳殿翼相當倅脫承便蓋象戎兵察
解言歸警諸政刑將以行令豈惟娛情鎮以崇臺實曰永始
覆閣重闈猖狂是俟京庾之儲無物不有不虞之戒於是焉

取爾乃建凌雲之層盤浚虞淵之靈沼清露瀼瀼淥水浩浩
樹以嘉木植以芳草悠悠玄魚唯唯白鳥沈浮翔翔樂我皇
道若乃虬龍灌注溝洫交流陸設殿館水方輕舟篁樓鷗鷺
瀨戲鯁鮒豐侔淮海富賑山丘叢集委積焉可嬋籌雖咸
池之壯觀夫何足以比儼於是揭以高昌崇觀表以建城峻
廬岩堯岑立崔嵬巒居飛閣干雲浮階乘虛遙目九野遠覽
長圖俯看三市孰有誰無覩農人之耘耔亮稼穡之艱難惟
饗年之豐寡思無逸之所歎感物衆而思深因居高而慮危
惟天德之不易懼世俗之難知觀器械之良窳察俗化之誠
僞瞻貴賤之所在悟政刑之夷陂亦所以省風助教豈惟盤
樂而崇侈靡屯方列署三十有二星居宿陳綺錯鱗比辛壬

癸申爲之名秩房室齊均堂庭如一出此入彼欲反忘術惟
工匠之多端固萬變之不窮物無難而不知乃與造化乎比
隆讐天地以開基並列宿而作制制無細而不協於規景作
無微而或違於水臬故其增構如積植木如林區連域絕葉
比枝分離背別趣駢田胥附縱橫踰延各有攸注公輸荒其
規矩匠石不知其所斲既窮巧於規摹何彩章之未殫爾乃
文以朱綠飾以碧丹點以銀黃爍以琅玕光明熠爚文彩璘
璘清風萃而成響朝日曜而增鮮雖崑崙之靈宮將何以乎
侈旃規矩既應乎天地舉措又順乎四時是以六合元亨九
有雍熙家懷克讓之風人詠康哉之詩莫不優游以自得故
淡泊而無所思歷列辟而論功無今日之至治彼吳蜀之湮
滅固可翹足而待之然而聖上猶孜孜靡忒求天下之所以
自悟招忠正之士開公直之路想周公之昔戒慕容繇之典
謨除無用之官省生事之故絕流遁之繁禮反人情之太素
故能翔岐陽之鳴鳳納虞氏之白環蒼龍覲於陂塘龜書出
於河源醴泉涌於池圃靈芝生於丘園總神靈之貺祐集華
夏之至歡方四三皇而六五帝曾何周夏之足言

海賦

木華

昔在帝媯巨唐之世天網淳濇爲涸爲瘵洪濤瀾汗萬里無
際長波滂沱地涎八裔於是乎禹也乃鏹臨崖之阜陸決陂
潢而相爰啓龍門之峯嶺墜陵巒而嶄鑿羣山旣畧百川潛
滌決濟澹泞騰傾赴勢江河旣導萬穴俱流倚拔五嶽竭涸

九州瀝滴滲淫蒼蔚雲霧消流決瀼莫不來注於廓靈海長
爲委輸其爲廣也其爲怪也宜其爲大也爾其爲狀也則乃
激湫激灩浮天無岸沖融沆瀣渺瀰炭漫波如連山乍合乍
散噓噓百川洗滌淮漢襄陵廣鳥溇蕩浩汗若乃大明撫轡
於金樞之穴翔陽逸駭於扶桑之津影沙碧石蕩鱗島濱於
是鼓怒溢浪揚浮更相觸搏飛沫起濤狀如天輪膠戾而激
轉又似地軸挺拔而爭迴岑嶺飛騰而反覆五岳鼓舞而相
碰涓瀆淪而滄潔鬱初迭而隆頽盤盪激而成窟消泮滌而
爲魁泖泊柏而迤颺磊芻芻而相厖驚浪雷奔駭水迸集開
合解會瀼瀼濕濕葩葩岫岫頽潯溱溱若乃霾曉潛銷莫振
莫疎輕塵不飛纖蘿不動猶尚呀呬餘波獨湧澎濤濤礧礧

磊山壘爾其枝岐潭淪渤蕩成汜垂蠻隔夷廻互萬里若乃
偏荒速告王命急宜飛駿鼓楫汎海凌山於是候勁風揭百
尺維長綯挂帆席望濤遠決罔然鳥逝鷁如驚鳧之失侶倏
如六龍之所掣一越三千不終朝而濟所屆若其負穢臨深
虛誓愆祈則有海童邀路馬銜當蹊天吳乍見而髮鬣蜩像
暫曉而閃屍羣妖遘迕眇睨冷夷決帆摧撞戕風起惡廓如
靈變惚恍幽暮氣似天霄變黓雲布靄昱絕電百色妖露呵
嗽掩鬱曠睽無度飛滂相礪激勢相切崩雲屑雨泫泫汨汨
踈蹕湛灤沸潰滄溢灌泮濩涓蕩雲天日於是舟人漁子徂
南極東或屑沒於鼉鼉之穴或挂胷於岑嶽之峰或掣掣洩
洩於裸人之國或汎汎悠悠於黑齒之邦或乃萍流而浮轉

或因歸風以自反徒識觀怪之多駭乃不悟所歷之近遠爾
其大量也則南澗朱崖北灑天墟東演析木西薄青徐經途
瀾漫萬萬有餘吐雲霓含龍魚隱鯤鱗潛靈居豈徒積太顛
之寶貝與隨侯之明珠將世之所收者常聞所未名者若無
且希世之所聞惡審其名故可仿像其色鑿蠶其形爾其水
府之內極深之庭則有崇島巨鼇岬峴孤亭擘洪波指太清
竭磐石樓百靈颺凱風而南逝廣莫至而北征其垠則有天
琛水怪鮫人之室瑕石詭暉鱗甲異質若乃雲錦散文於沙
內之際綾羅被光於螺蚌之節繁采揚華萬色隱鮮陽冰不
冶陰火潛然熇炭重燔吹烟九泉朱燼綠煙曖眇蟬蛸魚則
橫海之鯨突扎孤遊曼巖敷偃高濤茹鱗甲吞龍舟翕波則
洪連踈蹄吹澇則百川倒流或乃蹭蹬窮波陸死鹽田巨鱗
挿雲鬣鬣刺天顛骨成嶽流膏爲淵若乃巖坻之隈沙石之
嵌毛翼產殼剖卵成禽鳧雛離襪鶴子淋滲羣飛侶浴戲廣
浮深翔鷺連軒洩洩淫淫翻動成雷擾翰爲林更相叫嘯詭
色殊音若乃三光既清天地融朗不汎陽侯乘躋絕往覲安
期於蓬萊見喬山之帝像羣仙縹眇餐玉清涯履阜鄉之雷
鳥被羽翮之穆襪翔天沼戲窮溟甄有形於無欲永悠悠以
長生且其爲器也包乾之奧括坤之區惟神是宅亦祇是廬
何奇不有何怪不儲茫茫積流含形內虛曠哉坎德卑以自
居弘往納來以宗以都品物類生何有何無

江賦

郭璞

若天開觸曲崖以縈繞駭崩浪而相礪鼓合窟以湍渤乃溢
湧而駕隈魚則江豚海狶叔鮪王鱣鯧鯨鯨鮪鮫鯨鯨鯨或
鹿角象鼻或虎狀龍顏鱗甲錐錯煥爛錦斑揚鬣掉尾噴浪
飛颺排流呼哈隨波遊延或曝采以晃淵或嚇鯢平巖間介
鯨乘濤以出入鱧鮪順時而往還爾其水物怪錯則有潛鵠
魚牛虎蛟鈎蛇螭蟄蠶蝠鱗鼈鼉龍玉珧海月土肉石華三
蠖蚌江鸚螺蛟蝸璅蛤腹蟹水母日蝦紫虹如渠洪蚶專車
瓊蚌晞暉以瑩珠石蛙應節而揚葩蜺蝓森衰以垂翹玄螭
硯磔而硯啞或泛漱於潮波或混淪乎泥沙若乃龍鯉一角
奇鷁九頭有鼈三足有龜六眸賴螯胛躍而吐磯文鮪磬鳴
以孕珍條慵拂翼而掣耀神蜈蝮輪以沈遊驛馬騰波以噓

蹠水兕雷咆乎陽侯淵客築室於巖底鮫人構館於懸流
布餘糧星離沙鏡青綸競糾縵組爭映紫菜熒擘以叢被綠
苔鬚髻乎研上石帆蒙龍以蓋嶼萍實時出而漂泳其下則
金礦丹礫雲精燭銀瑤珞璿瑰水碧潛曙鳴石列於陽渚浮
磬肆乎陰濱或頰彩輕漣或焰曜涯鄰林無不潺岸無不津
其羽族也則有晨鵠天雞鷓鴣鷓鴣陽鳥爰翔于以玄月千
類萬聲自相喧聒濯翮疏風鼓翅翩翩揮弄灑珠拊拂瀑沫
集若霞布散如雲豁產毳積羽往來勃碣檠杞楨薄於潯疾
揚皜眊擢紫茸蔭潭隩被長江繁蔚芳離隱藹水松涯灌芊
葉潛蒼葱龍鮫鮭踦踞於垠隙獫獫眈眈乎廕空迅雌臨虛

以騁巧孤攫登危而雍容夔牯翹蹠於夕陽鴛雛弄翮乎山
東因岐成渚觸澗開渠漱壑生浦區別作湖澄之以滌瀝滌
之以尾間標之以翠翳泛之以遊菰播匪藝之芒種挺自然
之嘉蔬鱗被菱荷攢布水菰翹莖藻濯穎散裹隨風猗萎
與波潭沲流光潛映景炎霞火其旁則有雲夢雷池彭蠡青
草具區洮漏珠漣丹澳極望數百沅瀆晶滌爰有包山洞庭
巴陵地道潛達旁通幽岫窈窕金精玉英瑱其裏瑤珠怪石
綵其表驪蚪穆其址梢雲冠其嶠海童之所巡遊琴高之所
靈矯冰夷倚浪以傲睨江妃含嘯而聯眇撫凌波而鳧躍吸
翠霞而天矯若乃宇宙澄寂八風不翔舟子於是搦棹涉人
於是擻榜漂飛雲運舩舳舳相屬萬里連檣沂泗泂流或

漁或高赴交益投幽浪竭南極窮東荒爾乃緒冦侵於清旭
覘互兩之動靜長風驟以增扇廣莫颺而氣整徐而不驟疾
而不猛鼓帆迅越起漲截河凌波縱施電往杳冥霽如晨霞
孤征眇若雲翼絕嶺倏忽數百千里俄頃飛廉無以踰其蹤
渠黃不能企其景於是蘆人漁子攢落江山衣則羽褐食則
蔬鱸榜澱爲泔夾激羅筓筒灑連鋒罾雷比船或揮輪於懸
崎或中瀨而橫旋忽忘夕而宵歸詠採菱以叩舷傲自足於
一軀尋風波以窮年爾乃域之以盤巖豁之以洞壑疏之以
沲汜鼓之以朝夕川流之所歸湊雲霧之所蒸液珍怪之所
化產瑰奇之所窟宅納隱淪之列真挺異人乎精魄播靈潤
於千里越岱宗之觸石及其謫變儵悅符祥非一動應無方

文選山文卷之三
感事而出經紀天地錯綜人術妙不可盡之於言事不可窮
之於筆若乃岷精垂曜於東井陽侯遯形乎大波奇相得道
而宅神乃協靈爽於湘娥駭黃龍之負舟識伯禹之仰嗟壯
荆飛之擒蛟終成氣乎太阿悍要離之圖慶在中流而推戈
悲靈均之任石歎漁父之權歌想周穆之濟師驅八駿於龍
鼉感交甫之喪珮慙神使之嬰羅煥大塊之流形混萬盡於
一科保不虧而永固稟元氣於靈和考川瀆之妙觀實莫著
於江河

風賦

宋玉

楚襄王遊於蘭臺之宮宋玉景差侍有風颯然而至王乃披
襟而當之曰快哉此風寡人所與庶人共者邪宋玉對曰此

獨大土之風耳庶人安得而共之王曰夫風者天地之氣溥
暢而至不擇貴賤高下而加焉今子獨以爲寡人之風豈有
說乎宋玉對曰臣聞於師枳句來巢空穴來風其所託者然
則風氣殊焉王曰夫風始安生哉宋玉對曰夫風生於地起
於青蘋之末侵淫谿谷盛怒於土囊之口緣太山之阿舞於
松柏之下飄忽溟濤激颺颯怒眩雷聲迴穴錯迭歷石伐
木梢殺林莽至其將衰也被麗披離衝孔動捷眴渙燦爛離
散轉移故其清涼雄風則飄舉升降乘凌高城入于深宮邸
華葉而振氣徘徊於桂椒之間翱翔於激水之上將擊芙蓉
之精獵蕙草離秦蘅槩新夷被穉楊迴穴衡陵蕭條衆芳然
後倘佯中庭北上玉堂躋于羅帷經于洞房迺得爲大王之

風也。故其風中人，狀直憊，憊憊，清涼增欬，清清冷冷，愈病。析醒發明，耳目寧體，使人此所謂大王之雄風也。王曰：善哉！論事夫庶人之風，豈可聞乎？宋玉對曰：夫庶人之風，飈然起於窮巷之間，堀堞揚塵，勃鬱煩冤，衝孔襲門，動沙堞，吹死灰，駭溷濁，揚腐餘，邪薄入甕牖，至於室廬，故其風中人，狀直憊，溷鬱邑，毆溫致溼，中心慘怛，生病造熱，中脣為胗，得日為曠，啗齧嗽獲，死生不卒，此所謂庶人之雌風也。

秋興賦

并序

潘岳

晉十有四年，余春秋三十有二，始見一毛。以太尉掾兼虎賁中郎將，寓直于散騎之省，高閣連雲，陽景罕曜，蟬冕而襲紈綺之士，此焉遊處。僕野人也，偃息不過茅屋茂林之下，談

話不過農夫田父之客，攝官承乏，猥廁朝列，夙興晏寢，匪遑底寧，譬猶池魚籠鳥，有江湖山藪之思。於是染翰操紙，慨然而賦。于時秋也，故以秋興命篇。其辭曰：四運忽其代序，兮萬物紛以廻薄。覽花蔟之時育，兮察盛衰之所託。感冬索而春敷，兮嗟夏茂而秋落。雖末士之榮悴，兮伊人情之美惡。善乎宋玉之言曰：悲哉秋之爲氣也！蕭瑟兮，草木搖落而變衰；慘慄兮，若在遠行。登山臨水，送將歸夫，送歸懷慕，徒之戀兮。遠行有羈旅之憤，臨川感流以歎逝兮。登山懷遠而悼近，彼四感之疚心兮。遭一塗而難忍，嗟秋日之可哀兮。諒無愁而不盡，野有歸燕，隰有翔隼。游氛朝興，槁葉夕隕。於是乃屏輕箑，釋纖絺，藉莞蒹，御袷衣。庭樹撼以灑落。

今勁風戾而吹，帷蟬嘒嘒以寒吟。兮鴈飄飄而南飛，天晃朗以彌高兮。日悠揚而浸微，何微陽之短晷。覺涼夜之方永，月腫臃以含光兮。露淒清以凝冷，熠燿粲於階闥兮。蟋蟀鳴乎軒屏，聽離鴻之晨吟。望流火之餘景，宵耿介而不寐兮。獨展轉於華省，悟時歲之適盡兮。慨俛首而自省，斑鬢彪以承弁兮。素髮颯以垂領，仰羣儁之逸軌兮。攀雲漢以遊騁，登春臺之熙熙兮。珥金貂之炯炯，苟趣舍之殊途兮。庸詎識其躁靜，聞至人之休風兮。齊天地於一指，彼知安而忘危兮。固出生而入死，行按趾於容跡兮。殆不踐而獲底，闕側足以及泉兮。雖猴猿而不履，龜祀骨於宗祧兮。思反身於綠水，且斂衽以歸來兮。忽投紱以高厲，耕東臯之沃壤兮。輸黍稷之餘稅，泉涌湍於石間兮。菊揚芳乎崖溼，澡秋水之涓涓兮。玩游鯈之澈澈，逍遙乎山川之阿。放曠乎人間之世，優哉游哉聊以卒歲。

雪賦

謝惠連

歲將暮時，既昏寒風積愁，雲繁梁王不悅，遊於兔園，乃置旨酒，命賓友召鄒生，延枚叟，相如未至，居客之右，俄而微霰零，密雪下，王乃歌北風於衛詩，詠南山於周雅，授簡於司馬大，夫曰：抽子秘思，騁子妍辭，侔色揣稱，爲寡人賦之，相如於是避席而起，逡巡而揖，曰：臣聞雪宮建於東國，雪山峙於西域，岐昌發詠於來思，姬滿申歌於黃竹，曹風以麻衣比色，楚謠以幽蘭儷曲，盈尺則呈瑞於豐年，表丈則表沴於陰德，雪之

時義遠矣哉。請言其始。若乃玄律窮嚴，氣升焦溪，涸湯谷，凝
火井，滅溫泉，冰沸潭，無湧炎風，不興北戶，墜扉，裸壤垂繒，於
是河海生雲，朔漠飛沙，連氛累霄，掩日韜霞，霰淅瀝而先集，
雪紛糝而遂多，其爲狀也，散漫交錯，氛氳蕭索，藹藹浮浮，漚
漚奕奕，聯翩飛灑，徘徊委積，始緣薨而冒棟，終開簾而入隙，
初嫵娟於墀廡，末繁盈於帷席，旣因方而爲珪，亦遇圓而成
璧，眇隰則萬頃同縞，瞻山則千巖俱白，於是臺如重壁，達似
連璐，庭列瑤階，林挺瓊樹，皓鶴奪鮮，白鵬失素，紈袖慙冶，玉
顏掩媿，若乃積素未虧，白日朝鮮，爛兮若燭龍，銜耀照崑山，
爾其流滴垂冰，綠霤承隅，粲兮若馮夷剖蚌，列明珠，至大纘
紛繁鷺之貌，皓汗皦潔之儀，迴散縈積之勢，飛聚凝曜之奇。

固展轉而無窮，嗟難得而備知，若乃申娛玩之無已，夜幽靜
而多懷，風觸楹而轉響，月承幌而通暉，酌湘吳之醇酎，御狐
貉之兼衣，對庭鷗之雙舞，瞻雲鴈之孤飛，折園中之萱草，摘
階上之芳薇，踐霜雪之交積，憐枝葉之相違，馳遙思於千里，
願接手而同歸，鄒陽聞之，懣然心服，有懷妍唱，敬接末曲，於
是乃作而賦積雪之歌，歌曰：攜佳人兮披重帷，援綺衾兮坐
芳褥，燎薰爐兮炳明燭，酌桂酒兮揚清曲，又續而爲白雪之
歌，歌曰：曲旣揚兮酒旣陳，朱顏醜兮思自親，願低帷以昵枕，
念解珮而褫紳，怨年歲之易暮，傷後會之無因，君寧見階上
之白雪，豈鮮耀於陽春，歌卒，王乃尋繹吟，詵撫覽扼腕，顧謂
枚叔起而爲亂，亂曰：白羽雖白質，以輕兮，白玉雖白空，守貞

今未若茲雪。因時興滅。玄陰凝不昧。其潔太陽耀。不固其節。節豈我名潔。豈我貞憑雲升降。從風飄零。值物賦像。在地班形。素因遇立。汚隨染成。縱心皓然。何慮何營。

月賦

謝莊

陳王初喪。應劉端憂。多暇。綠苔生閣。芳塵凝榭。悄焉疚懷。不怡中夜。乃清蘭路。肅桂苑。騰吹寒山。弭蓋秋坂。臨瀆壑。而怨遙。登崇岫。而傷遠。于時斜漢左界。北陸南躔。白露曖空。素月流天。沈吟齊章。殷勤陳篇。抽毫進牘。以命仲宣。仲宣跪而稱曰。臣東鄰幽介。長自丘樊。味道潛學。孤奉明恩。臣聞沈潛既義。高明既經。日以陽德。月以陰靈。擅扶光於東沼。嗣若英於西冥。引玄兔於帝臺。集素娥於后庭。朧朧警闕。朏朏示冲。順

辰通燭。從星澤風。增華台室。揚彩軒宮。委照而吳業昌。淪精而漢道融。若夫氣霽地表。雲歛天末。洞庭始波。木葉微脫。菊散芳於山椒。鴈流哀於江瀨。升清質之悠悠。降澄暉之藹藹。列宿掩縹。長河韜映。柔祇雪凝。圓靈水鏡。連觀霜縞。周除冰淨。君王乃厭晨歡。樂宵宴。收妙舞。弛清縣。去燭房。卽月殿。芳酒登鳴琴。薦若乃涼夜自淒。風篁成韻。親懿莫從。羈孤遞進。聆臯禽之夕聞。聽朔管之秋引。於是絃桐練響。音容選和。徘徊房露。惆悵陽阿。聲林虛籟。淪池滅波。情紆軫。其何託。想皓月而長歌。歌曰。美人邁兮音塵闕。隔千里兮共明月。臨風歎兮將焉歇。川路長兮不可越。歌響未終。餘景就畢。滿堂變容。迴遑如失。又稱歌曰。月既沒兮露欲晞。歲方晏兮無與歸。佳

期可以還微霜露人衣陳王曰善乃命執事獻壽羞璧敬佩
王音復之無斁

鵬鳥賦 并序

賈誼

誼爲長沙王傅三年有鵬鳥飛入誼舍止於坐隅鵬似鴉不
祥鳥也誼旣以謫居長沙長沙卑濕誼自傷悼以爲壽不得
長乃爲賦以自廣其辭曰

單闕之歲兮四月孟夏庚子日斜兮鵬集余舍止於坐隅兮
貌甚閑暇異物來萃兮私怪其故發書占之兮識言其度曰
野鳥入室主人將去請問于鵬余去何之吉乎告我凶言其
災淹速之度兮語余其期鵬廼歎息舉首奮翼口不能言請
對以臆曰萬物變化兮固無休息幹流而遷兮或推而還形

氣轉續兮變化而蟪沕穆無窮兮胡可勝言禍兮福所倚福
兮禍所伏憂喜聚門兮吉凶同城彼吳疆大兮夫差以敗越
樓會稽兮句踐霸世斯遊遂成兮卒被五刑傳說胥靡兮乃
相武丁夫禍之與福兮何異糾纏命不可說兮孰知其極水
傲則悍兮矢激則遠萬物回薄兮振盪相轉雲蒸雨降兮糾
錯相紛大鈞播物兮塊坱無垠天不可預慮兮道不可預謀
遲速有命兮焉識其時且夫天地爲鑪兮造化爲工陰陽爲
炭兮萬物爲銅合散消息兮安有常則千變萬化兮未始有
極忽然爲人兮何足控搏化爲異物兮又何足患小智自私
兮賤彼貴我達人觀兮物無不可貪夫徇財兮烈士徇名
夸者死權兮品庶每生休迫之徒兮或趨西東大人不曲兮

意變齊同。愚士繫俗兮。窘若囚拘。至人遺物兮。獨與道俱。衆人惑惑兮。好惡積億。真人恬漠兮。獨與道息。釋智遺形兮。超然自喪。廖廓忽荒兮。與道翱翔。乘流則逝兮。得坻則止。縱軀委命兮。不私與已。其生兮若浮。其死兮若休。澹乎若深淵之靜。泛乎若不繫之舟。不以生故自寶兮。養空而浮。德人無累兮。知命不憂。細故帶芥兮。何足以疑。

鸚鵡賦 并序

禰衡

時黃祖太子射賓客大會。有獻鸚鵡者。舉酒於衡前曰。禰處士。今日無用。娛賓竊以此鳥自遠而至。明慧聰善。羽族之可貴。願先生爲之賦。使四坐咸共榮觀。不亦可乎。衡因爲賦。筆不停綴。文不加點。其辭曰。

惟西域之靈鳥。挺自然之奇姿。體金精之妙質。含火德之明輝。性辯慧而能言兮。才聰明以識機。故其嬉遊高峻。栖時幽深。飛不妄集。翔必擇林。紺趾丹觜。綠衣翠衿。采麗容皎皎。好音雖同。族於羽毛。固殊智而異心。配鸞皇而等美焉。比德於衆禽。於是美芳聲之遠暢。偉靈表之可嘉。命虞人於隴坻。詔伯益於流沙。跨崑崙而播弋。冠雲霓而張羅。雖網維之備設。終一目之所加。且其容止閑暇。守植安停。逼之不懼。撫之不驚。寧順從以遠害。不違忤以喪生。故獻全者受賞。而傷肌者被刑。爾乃歸窮委命。離羣喪侶。閉以彫籠。翦其翅羽。流飄萬里。崎嶇重阻。踰岷越障。載雁寒暑。女辭家而適人。臣出身而事主。彼賢哲之逢患。猶棲遲以羈旅。矧禽鳥之微物。能馴

擾以安處眷西路而長懷望故鄉而延佇忖陋體之腥臊亦
何勞於鼎俎嗟祿命之衰薄奚遭時之險巖豈言語以階亂
將不密以致危痛母子之永隔哀伉儷之生離匪餘年之足
惜愍衆雜之無知背蠻夷之下國侍君子之光儀懼名實之
不副恥才能之無奇羨西都之沃壤識苦樂之異宜懷代越
之悠思故每言而稱斯若乃少昊司晨葦收整轡嚴霜初降
涼風蕭瑟長吟遠慕哀鳴感類音聲悽以激揚容貌慘以顛
顛聞之者悲傷見之者隕淚故臣爲之屢歎棄妻爲之歔歔
感平生之遊處兮若墟麓之相須何今日之兩絕若胡越之
異區順權檻以俯仰闕戶牖以踟躕想崑山之高嶽思鄧林
之扶疏顧六翮之殘毀雖奮迅其焉如心懷歸而弗果徒怨
毒於一隅苟竭心於所事敢背惠而忘初託輕鄙之微命委
陋賤之薄軀期守死以報德甘盡辭以效愚恃隆恩於既往
庶彌久而不渝

鷓鴣賦

并序

張華

鷓鴣小鳥也生於蒿萊之間長於藩籬之下翔集尋常之內
而生生之理足矣色淺體陋不爲人用形微處卑物莫之害
繁滋族類乘居匹遊翩翩然有以自得彼鷺鷥鷓鴣孔雀翡翠
翠或陵赤霄之際或託絕垠之外翰舉足以冲天爵距足以
自衛然皆負矰嬰繳羽毛入貢何者有用於人也夫言有淺
而可以託深類有微而可以喻大故賦之云爾

何造化之多端兮播羣形於萬類惟鷓鴣之微禽兮亦攝生

而受氣育。翩翮之陋體。今無玄黃以自貴。毛弗施於器用。分肉不登乎俎。味鷹鷄過猶俄翼。今尚何懼於罾罟。翳蒼蒙龍。是焉遊集。飛不飄颻。翔不翕習。其居易容。其求易給。巢林不過一枝。每食不過數粒。栖無所滯。遊無所盤。匪陋荆棘。匪榮萑蘭。動翼而逸。投足而安。委命順理。與物無患。伊茲禽之無知。分何處身之似智。不懷寶以賈害。今不飾表以招累。靜守約而不矜。動因循以簡易。任自然以爲資。無誘慕於世。僞離鷓介。其鶩距鵠。鷺軼於雲際。鷓雞竄於幽險。孔翠生乎遐裔。彼晨鳧與歸鴈。又矯翼而增逝。成美羽而豐肌。故無罪而皆斃。徒銜蘆以避繳。終爲戮於此世。蒼鷹鷲而受縲。鸚鵡惠而入籠。屈猛志以服養。塊幽繫於九重。變音聲以順旨。思摧翮而爲庸。戀鍾岱之林野。慕隴坻之高松。雖蒙幸於今日。未若疇昔之從容。海鳥鷓鷃。避風而至。條枝巨雀。踰嶺自致。提挈萬里。飄颻通畏。夫唯體大妨物。而形壞足羸也。陰陽陶蒸。萬品一區。巨細舛錯。種繁類殊。鷓螟巢於蚊睫。大鵬彌乎天隅。將以上方不足。而下比有餘。普天壤以遐觀。吾又安知其小大之所如。

赭白馬賦 并序

顏延之

驥不稱力。馬以龍名。豈不以國上威容。軍馱趨迅而已。實有騰光吐圖。疇德瑞聖之符焉。是以語崇其靈。世榮其至。我高祖之造宋也。五方率職。四隩入貢。秘寶盈於玉府。文駟列乎華廐。乃有乘輿赭白。特稟逸異之姿。妙簡帝心。用錫聖阜。服

御順志馳驟合度齒歷雖衰而藝美不忒襲養兼年恩隱周
渥歲老氣殫斃于內棧少盡其力有惻上仁乃詔陪侍奉述
中旨末臣庸蔽敢同獻賦其辭曰

維宋二十有二載盛烈光平重葉武義粵其肅陳文教迄已
優洽泰階之平可升興王之軌可接訪國美於舊史考方載
於往牒昔帝軒陟位飛黃服阜后唐膺籙赤文候日漢道亨
而天驥呈才魏德懋而澤馬效質伊逸倫之妙足自前代而
間出並榮光於瑞典登郊歌乎司律所以崇衛威神扶護警
蹕是用精曜叶從靈物咸秩暨明命之初基罄九區而率順
有肆險以稟朔或踰遠而納費聞王會之阜昌知函夏之克
初總六服以收賢掩七戎而得駿蓋乘風之淑類實先景之

洪胤故能代駿象輿歷配鈎陳齒筭延長聲價隆振信聖祖
之蕃錫留皇情而驟進徒觀其附筋樹骨垂梢植髮雙瞳夾
鏡兩權協月異體峰生殊相逸發超摠絕大塵轍驅駑迅於
滅沒簡偉塞門獻狀絳闕且刷幽燕晝秣荆越致敬不易之
典訓人必書之舉惟帝惟祖爰遊爰豫飛輶軒以戒道環轂
騎而清路勒五營使案部聲八鑿以節步具服金組兼飾丹
縷寶鉸星纏鏤章霞布進迫遮迺却屬輦輅欵聳擢以鴻驚
時濩畧而龍翥弭雄姿以奉引婉柔心而待御至於露滋月
肅霜戾秋登王于興言闡肆威稜臨廣望坐百層料武藝品
驍騰流藻周施和鈴重設睨影高鳴將超中折分馳逆塲角
壯永埒別葦越羣絢練夔絕捷趨夫之敏手促華鼓之繁節

經玄蹄而電散。歷素支而冰裂。膺門沫赭。汗溝走血。跪迹迴
唐畜怒未洩。乾心降而微怡。都人仰而朋悅。妍變之態既畢。
凌遠之氣方屬。踞鑣轡之牽制。隘通都之圈束。眷西極而驤
首望朔雲。而蹠足將使紫鸞駢衡。綠蛇衛轂。纖驪接趾。秀騏
齊于覲王母於崑崙。要帝臺於宜嶽。跨中州之轍迹。窮神行
之軌躅。然而盤于遊畋。作鏡前王。肆於人上。取悔義方。天子
乃輟駕。迴慮息。徒解裝鑿。武穆憲文。光振民隱。修國章。戒出
豕之敗御。惕飛鳥之時衡。故祗慎乎所常。忽敬備乎所未防。
輿有重輪之安。馬無泛駕之佚。處以濯龍之奧。委以紅粟之
秩。服養知仁。從老得卒。加弊帷。收什貨。天情周皇。恩畢亂日。
惟德動天。神物儀兮。於時駟駿充階。街兮。稟靈月。駟祖雲。螭

今雄志倜儻。精權奇兮。既剛且淑。服機羈兮。効足中黃。狗驅
馳兮。願終惠養。蔭本枝兮。竟先朝露。長委離兮。

舞鶴賦

鮑照

散幽經以驗物。偉胎化之仙禽。鍾浮曠之藻質。抱清迥之明
心。指蓬壺而翻翰。望崑閬而揚音。巾日域以迴驚。窮天步而
高尋。踐神區其既遠。積靈祀而方多。精含丹而星曜。頂凝紫
而煙萃。引負吭之纖婉。頓脩趾之洪姱。疊霜毛而弄影。振玉
羽而臨霞。朝戲於芝田。夕飲乎瑤池。厭江海而遊澤。掩雲羅
而見羈。去帝鄉之岑寂。歸人寰之喧卑。歲崢嶸而愁暮。心惆
悵而哀離。於是窮陰殺節。急景周年。涼沙振野。箕風動天。嚴
嚴苦霧皎皎。悲泉冰塞。長河雪滿。羣山既而氛昏。夜歇景物

澄廓星翻漢廻曉月將落感寒雞之早晨憐霜雁之違漠臨
驚風之蕭條對流光之照灼唳清響於丹墀舞飛容於金閣
始連軒以鳳踰終宛轉而龍躡躑徘徊振迅騰摧驚身蓬
集矯翅雲飛離綱別赴合緒相依將興中止若往而歸颯沓
矜顧遷延遲暮逸翮後塵翽翽先路指會規翔臨岐矩步態
有遺妍貌無停趣奔機逗節角睐分形長揚緩鷺並翼連聲
輕迹凌亂浮影交橫衆變繁姿參差滄密煙交霧凝若無毛
質風去雨還不可談悉既散蒐而盪目迷不知其所之忽星
離而雲罷整神容而自持仰天居之崇絕更惆悵以驚思當
是時也燕姬色沮巴童心耻巾拂兩停九劔雙止雖邯鄲其
敢倫豈陽阿之能擬入衛國而乘軒出吳都而傾市守馴養
於下凝結長悲於萬里

幽通賦

班固

系高頊之玄胄兮氏中葉之炳靈飄凱風而蟬蛻兮雄朔野
以颺聲皇十紀而鴻漸兮有羽儀於上京巨滔天而泯夏兮
考邁愍以行謠終保已而貽則兮里上仁之所廬懿前烈之
純淑兮窮與達其必濟咨孤蒙之眇眇兮將圯絕而罔階豈
余身之足殉兮違世業之可懷靖潛處以永思兮經日月而
彌遠匪黨人之敢捨兮庶斯言之不玷蒐莞莞與神交兮精
誠發於宵寐夢登山而迥眺兮覲幽人之髮鬢攬葛藟而授
余兮眷峻谷日勿墜物昕寤而仰思兮心矇矇猶未察黃神
邈而靡質兮儀遺讖以臆對日乘高而選神兮道遐通而不

迷葛絲絲於樛木兮詠南風以爲綏蓋惴惴之臨深兮乃二
雅之所祗既訊爾以吉象兮又申之以炯戒蓋孟晉以追羣
兮辰儵忽其不再承靈訓其虛徐兮佇盤桓而且俟惟天地
之無窮兮鮮生民之晦在紛屯適與蹇連兮何艱多而知寡
上聖迄而後拔兮豈羣黎之所御昔衛叔之御昆兮昆爲寇
而喪予管彎弧欲斃讐兮讐作后而成已變化故而相詭兮
孰云預其終始雍造怨而先賞兮丁繇惠而被戮栗取弔于
道吉兮王膺慶於所蹙叛迴穴其若茲兮北叟頗識其倚伏
單治裏而外凋兮張修禠而內逼聿中穌爲庶幾兮顏與冉
又不得溺招路以從已兮謂孔氏猶未可安惛惛不葩兮卒
隕身乎世禍遊聖門而靡救兮雖覆醢其何補固行行其必

凶兮免盜亂爲賴道形氣發於根柢兮柯葉彙而零茂恐魍
魎之責景兮羌未得其云已黎淳耀於高辛兮芊彊大於南
汜羸取威於百儀兮姜本支乎三趾既仁得其信然兮仰天
路而同軌東鄰虐而殲仁兮王合位乎三五戎女烈而喪孝
兮伯徂歸於龍虎發還師以成命兮重醉行而自耦震鱗鱗
於夏庭兮匝三正而滅姬巽羽化乎宜宮兮彌五辟而成災
道脩長而世短兮愛冥默而不周胥仍物而鬼諷兮乃窮宙
而達幽媯巢姜於孺筮兮且筭祀於契龜宣曹興敗於下夢
兮魯衛名諡於銘誥妣聆呱而劾石兮許相理而鞠條道混
成而自然兮術同原而分流神先心以定命兮命隨行以消
息幹流遷其不濟兮故遭罹而羸縮三爻同於一體兮雖移

易而不忒。洞參差其紛錯兮。斯衆兆之所惑。周賈盪而貢憤兮。齊死生與禍福。抗爽言以矯情兮。信畏犧而忌鵬。所貴聖人至論兮。順天性而斷誼。物有欲而不居兮。亦有惡而不避。守孔約而不貳兮。乃輔德而無累。三仁殊於一致兮。夷惠舛而齊聲。木偃息以蕃魏兮。申重繭以存荆。紀焚躬以衛上兮。皓頤志而弗傾。侯草木之區別兮。苟能實其必榮。要歿世而不可朽兮。乃先民之所程。觀天網之絃覆兮。實棊謀而相訓。謨先聖之大猷兮。亦鄰德而助信。虞韶美而儀鳳兮。孔忘味於千載。素文信而底麟兮。漢賓祚于異代。精通靈而感物兮。神動氣而入微。養流睇而猿號兮。李虎發而石開。非精誠其焉通兮。苟無實其孰信。操末技猶必然兮。矧耽躬於道真。登孔

思玄賦

張衡

具而上下兮。緯羣龍之所經。朝貞觀而夕化兮。猶誼已而遺形。若胤彭而偕老兮。訴來哲而通情。亂曰。天造草昧。立性命兮。復心弘道。惟聖賢兮。渾元運物。流不處兮。保身遺名。民之表兮。舍生取誼。亦道用兮。憂傷天物。忝莫痛兮。皓爾太素。曷渝色兮。尚越其幾。淪神域兮。

難虧既姱麗而鮮雙兮非是時之攸珍奮余榮而莫見兮播
余香而莫聞幽獨守此側陋兮敢怠違而舍勤幸二八之選
虞兮嘉傳說之生殷尚前良之遺風兮恫後辰而無及何孤
行之梵梵兮予不羣而介立感鸞鷲之特棲兮悲淑人之希
合彼無合其何傷兮患衆僞之冒真且獲讎于羣弟兮啓金
滕而後信覽蒸民之多僻兮畏立辟以危身曾煩毒以迷惑
兮嗟孰可以爲言已私湛憂而深懷兮思繽紛而不理願竭
力以守義兮雖貧窮而不改執離虎而試象兮沾焦原而跟
止庶斯奉趾以周旋兮要既死而後已俗遷渝而事化兮泯
規矩之圓方寶蕭艾於重笥兮謂蕙芷之不香斥西施而弗
御兮繫騷衷以服箱行頗僻而獲志兮循法度而離殃惟天

地之無窮兮何遭遇之無常不抑操而苟容兮譬臨河而無
航欲巧笑以于媚兮非余心之所嘗襲溫恭之黻衣兮被禮
義之繡裳辨貞亮以爲鑿兮雜伎藝以爲珩昭綵藻以瑇瑤
兮璜聲遠而彌長淹棲遲以恣欲兮曜靈忽其西藏恃已知
而華予兮鷓鴣鳴而不芳冀一年之三秀兮適白露之爲霜
時疊疊而代序兮疇可與乎比伉咨妬媿之難並兮想依韓
以流亡恐漸冉而無成兮畱則蔽而不彰心猶豫而狐疑兮
卽岐趾而臚情文君爲我端著兮利肥遞以保名歷衆山以
周流兮翼迅風以揚聲一女感於崇嶽兮或冰折而不營天
蓋高而爲澤兮誰云路之不平勗自彊而不息兮蹈玉階之
嶢崢懼筮氏之長短兮鑽東龜以觀禎遇九臯之介鳥兮怨

素意之不呈遊塵外而瞥天兮據冥翳而哀鳴鵙鷓競於會
葵兮我修潔以益榮子有故於玄鳥兮歸母氏而後寧占既
吉而無悔兮簡元辰而俶裝且余沐於清源兮晞余髮於朝
陽漱飛泉之瀝液兮咀石菌之流英翺鳥舉而魚躍兮將往
走乎八荒過少皞之窮野兮問三丘于句芒何道真之淳粹
兮去穢累而影輕登蓬萊而容與兮鼈雖拊而不傾畱瀛洲
而採芝兮聊且以乎長生憑歸雲而退迹兮夕余宿乎扶桑
飲青岑之玉醴兮餐沆瀣以爲糧發昔夢於木禾兮穀崑崙
之高岡朝吾行於暘谷兮從伯禹乎稽山嘉羣神之執玉兮
疾防風之食言指長沙以邪徑兮存重華乎南鄰哀一妃之
未從兮翩續處彼湘濱流目眺夫衡阿兮覩有黎之圯墳痛

火正之無懷兮託山坡以孤蒐愁鬱鬱以慕遠兮越卬州而
遊遨躋日中于昆吾兮憇炎火之所陶揚芒爍而絳天兮水
泫泫而涌濤溫風翕其增熱兮怒鬱悒其難聊顛羈旅而無
友兮余安能乎畱茲顧金天而歎息兮吾欲往乎西嬉前祝
融而使舉麾兮纒朱鳥以承旗躔建木於廣都兮撫若華而
躊躇超軒轅於西海兮跨汪氏之龍魚聞此國之千歲兮曾
焉足以娛余思九土之殊風兮從蓐收而遂徂歛神化而蟬
蛻兮朋精粹而爲徒蹶白門而東馳兮云台行乎中野亂弱
水之潺湲兮逗華陰之湍渚號馮夷俾清津兮擢龍舟以濟
予會帝軒之未歸兮悵倘佯而延佇泗河林之萋萋兮偉關
雎之戒女黃靈詹而訪命兮穆天道其焉如日近信而遠疑

今六籍闕而不書神遠昧其難覆兮疇克謨而從諸牛哀病
而成虎兮雖逢昆其必噬鼈令殪而尸亡兮取蜀禪而引世
死生錯其不齊兮雖司命其不瞞實號行於代路兮後膺祚
而繁廡王肆侈於漢庭兮卒銜恤而絕緒尉危眉而郎潛兮
逮三葉而遭武董弱冠而司袞兮設王隧而弗處夫吉凶之
相仍兮恒反側而靡所穆屈天以悅牛兮豎亂叔而幽主文
斷祛而忌伯兮闔謁賊而寧后通人闇於好惡兮豈昏惑而
能剖羸擿識而戒胡兮備諸外而發內或輦賄而違車兮孕
行產而爲對慎竈顯以言天兮占水火而妄誣梁叟患夫黎
丘兮丁厥子而剗刃親所聵而弗識兮矧幽冥之可信無絲
擘以倖已兮思自憂以自疹彼天監之孔明兮用悲忱而祐

仁湯蠲體以禱祈兮蒙厖視以拯民景二慮以營國兮焚惑
次於他辰魏顥亮以從治兮鬼亢回以斃秦咎繇邁而種德
兮樹德懋于英六桑末寄夫根生兮卉旣凋而已育有無言
而不酬兮又何往而不復盍遠迹以飛聲兮孰謂時之可蓄
仰矯首以遙望兮寬愾惘而無儔逼區中之隘陋兮將北度
而宣游行積冰之皚皚兮清泉汨而不流寒風淒其永至兮
拂穹岫之騷騷玄武縮于殼中兮騰蛇蜿而自糾魚矜鱗而
并凌兮鳥登木而失條坐太陰之屏室兮慨含歎而增愁怨
高陽之相寓兮倘顥瑱而宅幽庸織路於四裔兮斯與彼其
何瘳望寒門之絕垠兮縱余練乎不周迅森瀟其騰我兮鶩
翩飄而不禁越谿囁之洞穴兮漂通川之砾砾經重陰乎寂

冥兮。愍墳羊之深潛。追荒忽於地底兮。軼無形而土浮。出石
密之閭野兮。不識蹊之所由。速燭龍兮。令執炬兮。過鍾山而中
休。瞰瑤谿之赤岸兮。弔祖江之見劉。聘王母於銀臺兮。羞玉
芝以療飢。戴勝愁其既歡兮。又謂余之行遲。載太華之玉女
兮。召洛浦之慮妃。咸姣麗以蠱媚兮。增媵眼而娥眉。舒眇婧
之纖腰兮。揚雜錯之桂徽。離朱脣而微笑兮。頰的皪以遺光。
獻環珉與琛縞兮。申厥好以玄黃。雖色豔而賂美兮。志浩蕩
而不嘉。雙材悲於不納兮。並詠詩而清歌。歌曰。天地網緼百
卉含葩。鳴鶴交頸。雌鳩相和。處子懷春。精魂回移。如何淑明
忘我。實多將咎。賦而不暇兮。爰整駕而亟行。瞻崑崙之巍巍
兮。臨滎河之洋洋。伏靈龜以負坻兮。且螭龍之飛梁。登閬風

之層城兮。構不死而爲牀。屑瑤藥以爲糝兮。斟白水以爲漿。
抨巫咸以占夢兮。乃貞吉之元符。滋令德於正中兮。含嘉秀
以爲敷。旣垂穎而顧本兮。亦要思乎故居。安和靜而隨時兮。
姑純懿之所廬。戒庶僚以夙會兮。僉供職而並迓。豐隆軒其
震霆兮。列缺擘其照夜。雲師黶以交集兮。凍雨沛其灑途。轆
瑁輿而樹葩兮。擾應龍以服輅。百神森其備從兮。屯騎羅而
星布。振余袂而就車兮。修劔揭以低昂。冠岌岌其映蓋兮。佩
緜纏以輝煌。僕夫儼其正策兮。八乘騰而超驤。氛旌浴以天
旋兮。蜺旌飄以飛颺。撫軛軹而還睨兮。心勺灑其若湯。羨上
都之赫戲兮。何迷故而不忘。左青瑀以健芝兮。右素威以司
鉦。前長離使拂羽兮。後委水衡平玄冥。屬箕伯以幽風兮。澄

渙恣而爲清曳雲旗之離離兮鳴玉鸞之嚶嚶涉清霄而升
遐兮浮蟻蠓而上征紛翼翼以徐戾兮焱回回其揚靈叫帝
閭使闢扉兮覲天皇於瓊宮聆廣樂之九奏兮展洩洩以彫
彫考治亂於律均兮意建始而思終惟般逸之無斃兮懼樂
往而哀來素女撫絃而餘音兮太容吟曰念哉旣防溢而靖
志兮追我暇以翱翔出紫宮之肅肅兮集太微之閶闔命王
良掌策駟兮踰高閣之將將建罔車之幕幕兮獵青林之芒
芒彎威弧之拔刺兮射嶓冢之封狼觀壁壘於北落兮伐河
鼓之磅礴乘天潢之汎汎兮浮雲漢之湯湯倚招搖攝提以
低回剡流兮察一紀五緯之綢繆適皇偃蹇天矯媿連卷兮
雜沓叢頽颺以方驤鹹汨膠淚沛以罔象兮爛熳麗靡貌以

迭邊凌驚雷之硃礚兮弄狂電之淫裔踰滄鴻於宕冥兮貫
倒景而高厲廓盪盪其無涯兮乃今窺乎天外據開陽而頽
眊兮臨舊鄉之諳藹悲離居而勞心兮情悁悁而思歸覓眷
眷而屢顧兮馬倚輶而徘徊雖遊娛以媮樂兮豈愁慕之可
懷出閭闔兮降天途乘焱忽兮馳虛無雲霏霏兮繞余輪風
眇眇兮震余旒續連翩兮紛暗曖儵眩眩兮反常閭收疇昔
之逸豫兮卷淫放之遐心脩初服之娑娑兮長余佩之參參
文章魚以燦爛兮美紛紜以從風御六藝之珍駕兮遊道德
之平林結典籍而爲罟兮毆儒墨而爲禽玩陰陽之變化兮
詠雅頌之徽音嘉會氏之歸耕兮慕歷阪之嶽峯焚夙夜而
不貳兮固終始之所服夕惕若厲以省譽兮懼余身之未勅

苟中情之端直兮，莫吾知而不忍默無爲。以凝志兮與仁義，乎逍遙不出戶而知天下。今何必歷遠以劬勞，系曰天長地遠歲不留。俟河之清，祇懷憂願，得遠渡以自娛。上下無常窮，六區超踰騰躍絕，世俗飄飄神舉逞，所欲天不可階。仙夫稀，柏舟悄悄各不飛，松喬高時孰能離。結精遠遊，使心携迴，志竭來從玄謀，獲我所求，夫何思。

歸田賦

張衡

遊都邑以永久，無明畧以佐時。徒臨川以羨魚，俟河清乎未期。感蔡子之慷慨，從唐生以決疑。諒天道之微昧，追漁父以同嬉。超埃塵以遐逝，與世事乎長辭。於是仲春令月，時和氣清。原隰鬱茂，百草滋榮。王雎鼓翼，倉庚哀鳴。交頸頡頏，關關

嚶嚶於焉。逍遙聊以娛情，爾乃龍吟方澤，虎嘯山丘。仰飛織繳，俯鈞長流。觸矢而斃，貪餌吞鈎。落雲間之逸禽，懸淵沈之魴。鱗于時曜靈，俄景繼以望舒。極盤遊之至樂，雖日夕而忘劬。感老氏之遺誡，將廻駕乎蓬廬。彈五絃之妙指，詠周孔之圖書。揮翰墨以奮藻，陳三皇之軌模。苟縱心於域外，安知榮辱之所如。

文選卷之三

早稲田大学図書館

011488580983